


APPROBATIO.

EX commissione Plurimùm Reverendi, Magnifici ac
 Consultissimi D. Domini Philippi Braun SS. Theolo-
 giæ & Juris Utriusq; Doctoris, Comitis Palatini Cæfarei,
 Protonotarii Apostolici, Insignis Ecclesiæ Collegiatæ in
 Haugis Decani, Rev. & Celsis. Principis Herbipolensis
 Consiliarii intimi, Ejusdemq; in Spiritualibus Vicarii Ge-
 neralis & p. t. Librorum Censoris &c. mihi demandatâ in-
 fra scriptus sermones in singulas totius anni Dominicæ in-
 titulatos, **A N A T O M I A C A N I S**, ab Admodum Reverendo,
 Magnifico ac Consultissimo Domino Joanne Laurentio
 Helbig SS. Theol. Doctore, Rev. & Celsis. Principis Her-
 bipolensis Consiliario Ecclesiastico, Capituli Ruralis Ger-
 locuriani Decano & Parocho Hassfurture, zelosissimo
 Verbi Divini Præcone, non minùs doctè quàm succinètè
 elaboratos cum subjunctis ad calcem operis de septem vi-
 tiis capitalibus &c. attente pervolvi, & originalia facta-
 rum ibidem citationum loca accurate inspexi; Et cum ni-
 hil fidei orthodoxæ Ecclesiæ dogmatibus, morumq; pro-
 bitati contrarium se mihi objecerit, quin potius eodem
 animarum Zelo, eadem ingeniosorum conceptuum varie-
 tate & abundantia, eadem solidâ & in SS. PP. plurimùm
 fundatâ Doctrinâ ac eruditione, sententiarum copiosâ af-
 fluentiâ, & gratâ facundiâ cum præcedente Ejusdem ope-
 re **Concionatorio** in singulas anni Festivitates jam pridem
 in lucem edito præfulgeant, proindè jure merito dignis-
 simos censeo, ut quantocyùs præli Beneficio ad Christi
 fidelium ædificationem & ingentem Dominorum Paro-
 chorūm explendam aviditatem in lucem publicam pro-
 deant. In quorum fidem dabam Herbipoli in Conventu
 Nostro FF. Prædicat. ad Conversionem S. Pauli die **13.**
 Octobris Anno **1718.**

*F. Albertus Schrautenbach Ord. Prædicat.
 SS. Theol. Lector Ordinarius.*

APPRO.



APPROBATIO.

NE miretur amicus Lector, Librum præsentem ab Admodum Reverendo, Magnifico ac Consultissimo Domino, Joanne Laurentio Helbig SS. Theol. Doctore, Rev. & Celsis. Principis Herbipolensis Confiliario Ecclesiastico, Capituli Ruralis Gerlocuriani Decano & Parocho Hassfurtense tam piè quàm erudite expolitum, **Anatomicam Canis intitulari**, continet siquidem Conciones selectissimas totius anni Dominicis præaptè accomodatas. Concionatores autem sive pastores dixeris gregi Dominico invigilantes, sive Canes ipsos, præcellente verbi divini latratu, rapaces lupos abigentes: in neutro sensu aberrabis à Magno Spiritu D. Gregorii Papæ I. 20. moral. c. 9. dicentis: *Quis est gressus sanctæ Ecclesie, nisi multitudo fidelium? vel qui alii hujus gregis canes vocantur, nisi Doctores sancti, qui eorundem fidelium custodes extiterunt? Qui, dum pro Domino suo diurnis, nocturnisque vigiliis intenti clamaverunt, magnos, ut ita dixerim, latratus prædicationis dederunt.* Hos latratus requirit altissimus ille Prædicator Paulus à Timotheo Ep. 2. c. 4. v. 2. monens & prædicans prædicanti: *Prædicta verbum; insta opportunè, importunè argue, obsecra, increpa in omni patientiâ & doctrinâ.* Opportunissimos hujusmodi latratus prodit *Canis iste Anatomicus*, balantibus quidem Christi oviculis jucundos ac desideratos: ululantibus vero lupis exosos & exitiales. Dignissimi proinde sunt latratus isti Concionatorii, ut è pulpitis Ecclesiasticis ad ovium fidelium commune solatium, luporumque ex adverso irruentum terrorem resonent plausibilissimè. In quorum fidem dabam in Conventu nostro ad S. Crucem Herbipoli 19. Sept. 1719.

F. Alexander Herth, Ord. Min. Convent. S. Francisci
SS. Theol. Baccal. p. t. Conc. Ordin. & custos Bac.